

FinanceMission Heroes

In gieu gida ad acquirar dapli cumpetenzza finanziaria en l'instrucziun

■ (cp) Var 30 pertschient da las persunas da 18 fin 24 onns en Svizra vivan tenor l'Uffizi federal da statistica en ina chasada cun retards da pajaments. La Banca Chantunala Grischuna (BCG) s'engascha ensemen cun las ulteriuras 23 bancas chantunales, l'Associaziun tetgala svizra da magistras e magisters (MCH) ed il Syndicat des enseignants romands (SER) per ina meglra cumpetenzza finanziaria da giuvenils. La preschentaziun da la nova purschida d'emprender ha gi lieu ier en la chasa da scola dal stgalim superiur da Termin.

Giuvenils van en general enturn a moda conscienzusa cun ils daners. Els èn però exposts a stimul da consum adina pli ferm, per exempel entras l'online shopping, cumpras en l'app ed il pajar digitalmain. Per ina prevenziun da debits effectiva èsi decisiv da sa confruntar gia baud cun ils temas daners e consum. Meglras ch'èn la savida finanziaria e la chapientscha per dumondas da budget e pli pitschna ch'è la probabilitad da survegnir difficultads finanzialas. La savida finanziaria dals giuvenils n'è però betg buna. In nov studi da l'Universitad da Son Gagl e l'Universitad da Fribourg demussa che passa 50 pertschient da las scolaras e dals scolars dal stgalim secundar I interrogads percepeschan affars finanzials sco cumplitgads ed irritants.

FinanceMission – emprender cumpetenzza finanziaria cun giugar

L'Associaziun FinanceMission – ina cooperaziun dad MCH, dal SER e da las bancas chantunales svizras – emprova da megliar la savida finanziaria da giuvenils cun la nova purschida d'emprender FinanceMission. La finamira è da sensibilisar ils giuvenils per in diever conscienzus da daners e da promover lur furmaziun generala finanziaria a moda durabla.

FinanceMission cumpiglia il gieu d'emprender digital FinanceMission Heroes e material didactic cumplemen-



L'Associaziun FinanceMission emprova da megliar la savida finanziaria da giuvenils cun la nova purschida d'emprender FinanceMission.

MAD

tar. En il gieu surpiglian las scolaras ed ils scolars la rolla da supereroxs. Els ston deliberar ina citad fictiva da roboters engurds che vulan mo daners. Els ston tscherner strategias da finanziaziun adattadas per l'equipament, budgetar correctamain e parter en bain las resursas da temp. Uschenumnads Serious Games sco FinanceMission Heroes rendan perceptibels fatgs complexs en ina moda ch'è fitg familiara als giuvenils. Per els sa chapescha il diever d'applicaziuns digitalas e d'apparats mobils da sez. Il gieu pussibilitescha als giuvenils d'emprender enten agir. Els vegnan a savair las consequenzas da lur decisziuns en in ambient simulà ed han la schanza da curreger sbagls.

Associaziun FinanceMission | c/o MCH | Pflingstweidstrasse 16 | CH-8005 Turitg | tel. secretariat +41 44 451 30 59

Transfer en la pratica cun material d'instrucziun didactic

Per il transfer dal gieu en la pratica statan a disposiziun a las magistras ed als

magisters dal stgalim secundar I moduls d'instrucziun e fepls da lavur adattads als plans d'instrucziun. Els permettann ina confruntaziun accompagna da la tematica percepida en il gieu. Strategias tschernidas vegnan discutadas, analizadas criticamain e transferidas sin situaziuns dal mintgadi dals giuvenils. Scolaras e scolars survegnan uschia ina nova perspectiva sin lur diever da finanzas. FinanceMission Heroes stat a disposiziun als giuvenils er ordaifer l'instrucziun – igl è in gieu captivant e divertent era per il temp liber.

Il material didactic ed ulteriuras infurmaziuns pon magistras e magisters, geniturs e persunas interessadas retrair gratuitamain sut www.financemission.ch. Il gieu d'emprender FinanceMission Heroes po vegnir telechargià gratuitamain sut www.financemissionheroes.ch u sut «Google Play» ed «App Store». Il gieu è vegni dà liber da Pegi Rating a partir da set onns e na cuntogna naginas cumpras en l'app.